

Deftere Bikkon

Don sappina

Yeremiya,
Goddo Gondī



Windowo: Edward Hughes

Didowo: Jonathan Hay

Mo'inowo: Mary-Anne S.

Lornowo: The Bible Society of Nigeria

Waṅginowo: Bible for Children

www.M1914.org

©2023 Bible for Children, Inc.



**Jarfuye: A don mari jarfu windugo mala wurtinugo tariya
ndu nder masin, to na je sippugo.**



Yeremiya danyaama nder saare diina nder laamorde Yahuuda. Nyaako maako, Hilkiya, laati Liimanjo. Hilkiya e saare maako don joodi haa wuro mbi'etengol Anatot, ngol daayay bee Urusaliima. Teema saaro'en Yeremiya tammi kanƙo ma o laatoto liimanjo. Ammaa Allah woodi godfi dabareeji.




**Wakkati danyiki Yeremiya,
joonde yimbe Allah naa dow
Wolde Allah woni. Sedda ko
dum wi'a koo moy, fuddi
daga laamiido dirtuki haa
kuuwoowo famaro, don rewa
dowanteebe pewe, haa nder
Haykaleeru Seeninde Allah.**



**Sa'i Yermiya
o derkeejo,
Allah wolwi e
maako. Allah
wi'i mo, "Mi
anndi ma daga a
danyaaka, mi boo dawri a wolwan ngam am."**



Holli bana noddandu Allah do hulni Yeremiya. Yeremiya wi'i, "Kayya, Jawmiraawo Allah! Mi waawaay wolde, ngam mi biɲngel." O buri wi'ego biɲngel, ngam duubi maako sappande didi. Ammaa Yeremiya tammi o waawaata wolwugo ngam Allah dow hallende taari mo do.



"Taa kultor," Allah wi'i mo. "Njah haa mi liloy ma fuu. Wi'u be ko mi umri ma a yecca be fuu. Mi ngondi e ma, mi hisnete."

Nden Allah wadi hundende takanas. Allah meemi hunduko Yeremiya.



Allah hokki Yermiya semmbe e semmbidingo e hikma. O wolwi walaa kulol, o siftorini yimbe dow Allah yidi be, o yidi o walla be. Ammaa walaa heditoowo mo, laamiido ma heditay mo.



**Koo liiman'en ma tikki, be wi'i mo o acca
wolwugo dow Allah. E woodi annabi'en pewe,
kambe boo wi'i naa goonga Yeremiya wolwata.**



**Yeremiya siftorini yimbe dow, duubi teemerre saalidī,
laamu woylanƙere Isra'iila acci Allah. Konnbe mabbe
Assura'en hebi jaarogal dow mabbe, hoosi Isra'iila'en
fuu yaari be lesde daayidi.**






**Jooni yimbe Yahuuda,
laamu fombinaŋkeere,
acci Allah. Honoobe
konoobe don dow
laawol! Allah accan
konnbe heba jaarogal
dow yimbe maako, be
hoosa be, be laata
maccube boo na?**



**Yimbe hooli labbi mabbe. Labbi din kisnay
be haa juude konoobe mabbe na? A'a!
Allah tan hisnata be. Yimbe tikkani
Yeremiya, be dawri be mbaray mo.
Ammaa Allah reeni jagganoowo mo.**



**Haa ragare, Allah wi'i hunde
ko hulni Yeremiya. Allah wi'i,
"Taa ngadan yimbe do do'a.
Mi nanataa be sa'i be mboyani
am ngam wallinde."**



**Yeremiya sappani laamiido
dow o hebataa jaarogal haa
konu bee honnoŋe Baabila.
Du'um mettani laamiido
bernde, o nanŋi Yeremiya o
tiggil haa saare tiggirgal.
Koo nder saare tiggirgal,
Yeremiya njehi yeeso e
wa'ajinki, o don hooli Allah.**




**Gada o yoofaama nder
saare tiggirgal, Yermiya
wa'ajini laamiido e
yimbe dow be lora haa
Allah, be hoola Allah.**

**Wakkati do, laamiido
umri be yolli Yermiya
nder bulndu loope
luggudum.**



Ammaa Allah e huuwa nder bernde laamiido. Nder suude o hisni Yeremiya, o yaami Yeremiya ko Allah yidi laamiido wada. Yeremiya jaabi mo, "Njara hoore ma nder daheeki, Allah wi'i a yeedoto."



**Honoobe Baabila hebi jaarogal dow
Urusaliima e Yahuuda fuu. Be yibbi
maholji e suudi fuu, be nguli koo
dume. Allah wi'i yimbe maako
njahan nder daheeki duubi
sappande joweedi, nden o ngaritiray
be nder leddi
alkawal.**



Yeremiya, Goddo Gondĩ

Tariya ha nder Wolde Allah, Deftere,

tawama ha nder

Yeremiya

"Damugal Wolde Mada don hokka jayngol."

Jaabura 119:130





Timminol

Tariya Deftere ndu don wolwina amin do Allah
amin je boddo je taggi amin e je yidi ha en aanda Mo.

Allah aandi min ngadi kujeji kalludum, je O ewnatta hakke.
Eltare aybe dum wade, ama Allah yidi ma be gonga e O nelli
no Biddo mako je gooto, Yesu, ha o maya do Gafangal e be elta
Mo ngam aybe mada, Nden Yesu finni nder wade e dilli ha saare
ha asaman! To a don nuddina Yesu e emmi mo ngam ha O
yaffa hakkeji mada, O wadan dum. O waran e O wondan
be ma jonta, e a wondan be Mako ha abada.

To a tammi dum gonga, Yeccu do ha Allah:

Yesu am, mi don nuddina an woni Allah, e lati neddo ngam
mayugo ngam hakkeji am, jonta A don yedda fahin. Useini nastu
ha nde jonde am e yafanam hakkeji am, ngam ha jonde am sanja
jonta, e yende feere mi wonda be ma ha abada. Wallam ngam
hedditugo Ma e yedda ngam Ma bana biddo Ma. Amina.

Jaangu Deftere e ngewtu be Allah tum tum! Yohonna 3:16

